



Mladi iz država sliva rijeke Save, Bosne i Hercegovine, Republike Hrvatske, Republike Slovenije i Republike Srbije, okupivši se na 13. zasjedanju Parlamenta mladih sliva rijeke Save, dana 18.10.2025. u Gradišci (BiH), prihvatili su izmjene i dopune Statuta Parlamenta mladih sa slive rijeke Save od 25. maja 2013. koje su ugrađene u sljedeći

Statut Parlamenta mladih sliva rijeke Save

Član 1.

Parlament mladih sliva rijeke Save i njegova svrha

Parlament mladih sliva rijeke Save (u daljem tekstu: Parlament mladih) je platforma za povezivanje populacije mladih iz država sliva rijeke Save – Bosne i Hercegovine, Republike Hrvatske, Republike Slovenije i Republike Srbije putem koje se omogućava mladima da:

- a. se upoznaju sa integralnim planiranjem, uređenjem, korištenjem i zaštitom vodnih resursa u slivu rijeke Save;
- b. raspravljaju o sadašnjim i budućim prioritetima korištenja i zaštite vodnih resursa i učestvuju u zajedničkim aktivnostima;
- c. prezentuju različite ideje i projekte vezane uz vodu;
- d. iznose svoje stavove o problemima u vezi voda, predlažu aktivnosti i projekte, sagledavaju svoju viziju mogućih rješenja od zajedničkog značaja za mlade;
- e. razmjenjuju mišljenja i razvijaju prekograničnu saradnju.

Član 2.

Ciljevi Parlamenta mladih

Ciljevi Parlamenta mladih su:

- a. Jačanje svijesti o pitanjima vezanim uz vodu i važnosti obrazovanja mladih o problemima vezanim uz vodu;
- b. Razvoj ekološke svijesti i unapređenje znanja među mladima o pitanjima vezanim uz vodu kroz poticanje obrazovanja;
- c. Edukacija i organizovanje mladih kako bi mogli bolje artikulirati svoje potrebe i aktivno se uključiti u proces donošenja odluka na lokalnom i prekograničnom nivou;
- d. Jačanje mladih u smislu učenja socijalnih vještina, vještina komuniciranja, kulture dijaloga i argumentiranja;
- e. Izgradnja jačih i efikasnijih veza između generacija, kako bi zajednički mogli razrješavati aktuelne probleme i izazove koji ih očekuju u budućnosti;
- f. Razvijanje svijesti o ravnoteži između prava i odgovornosti prema vodnim resursima;
- g. Promocija Dana Save, 1. jun kao dana akcije, sticanja novih znanja i jačanja svijesti o važnosti i vrijednosti sliva rijeke Save.

Članak 3

Članovi Parlamenta mladih i način izbora

- 1 Članovi Parlamenta mladih su učenici srednjih škola iz država sliva rijeke Save.
- 2 Članovi Parlamenta mladih mogu biti i mladi u dobi od 18-25 godina koji su završili srednju školu.
- 3 Izbor članova Parlamenta mladih u pravilu se obavlja kroz provođenje odgovarajućeg konkursa u sve četiri države iz sliva rijeke Save ili na drugi odgovarajući način.
- 4 Zasjedanje Parlamenta mladih organizuje se, u pravilu, jednom godišnje u jednoj od država iz sliva rijeke Save u organizaciji Međunarodne komisije za sliv rijeke Save.

Član 4.

Organizacija i način rada Parlamenta mladih

1. Parlament mladih organizuje se, u pravilu, jednom godišnje u jednoj od država iz sliva rijeke Save u organizaciji Međunarodne komisije za sliv rijeke Save.
2. Službeni jezici Parlamenta mladih su svi službeni jezici država u slivu rijeke Save.
3. Predsjedništvo se sastoji od 4 osobe, po jedna iz svake savske države. Svi članovi Parlamenta mladih imaju pravo kandidovati se za predsjedništvo. Skupština Parlamenta mladih glasanjem bira predsjedništvo. Predsjednik se u pravilu bira između kandidata iz države koja je te godine domaćin zasjedanja Parlamenta mladih, dok će preostale 3 osobe u predsjedništvu biti zamjenici predsjednika. Mandat predsjedništva traje godinu dana, odnosno do izbora novog predsjedništva na sljedećem zasjedanju Parlamenta mladih.
4. Predsjedništvo Parlamenta mladih:
 - a. predlaže skupštini donošenje odluka i akata;
 - b. prezentuje rezultate i prijedloge Parlamenta mladih Savskoj komisiji, na sastancima država strana Okvirnog sporazuma o slivu rijeke Save, sjednicama Savske komisije, državnim tijelima savskih država i ostaloj javnosti prema potrebi;
 - c. učestvuje, na poziv Savske komisije, u pripremi programa sljedećeg Parlamenta mladih;
 - d. sarađuje sa članovima Parlamenta mladih i obavještava ih o radu Parlamenta mladih*
 - e. komunicira sa Ambasadorima Parlamenta mladih *
5. Predsjednik Parlamenta mladih:
 - a. zastupa Parlament mladih
 - b. saziva i predsjedava Parlamentom mladih
 - c. potpisuje odluke, prijedloge, deklaracije Parlamenta mladih
 - d. obavještava članove Parlamenta mladih o novostima i potiče ih na što aktivniji angažman*
6. Jedan član predsjedništva iz prethodne godine ima pravo i obavezu učestvovati na narednom Parlamentu mladih i podnijeti izvještaj o radu i aktivnostima u prethodnoj godini.

Član 5.

Ambasadori Parlamenta mladih

1. Članovi Parlamenta mladih mogu izraziti interes za učestvovanjem u daljim aktivnostima kojima se promoviše rad Parlamenta mladih, kroz ispunjavanje odgovarajućeg upitnika koji će im Savska komisija uputiti po isteku njihovog mandata.
2. Savska komisija, u dogovoru sa Predsjedništvom Parlamenta mladih, može pojedinim članovima koji su iskazali interes, ponuditi da učestvuju u odgovarajućim aktivnostima i događajima kao ambasadori Parlamenta mladih.
3. Ambasadori promovišu i predstavljaju rad Parlamenta mladih i obavještavaju Predsjedništvo Parlamenta mladih o svom radu.
4. Mandat ambasadora traje 1 godinu uz mogućnost produženja mandata na prijedlog Savske komisije i predsjedništva Parlamenta mladih.

Član 6.

Službeni jezici Parlamenta mladih

Službeni jezici Parlamenta mladih su svi službeni jezici država u slivu rijeke Save.

Član 7.

Logo

1. Parlament mladih ima svoj logo koji se temelji na logu Savske komisije.
2. Logo se koristi na svim aktima - odlukama, pozivima, prijedlozima, deklaracijama itd. koji se odnose na Parlament mladih.

Član 8.

Donošenje statuta

Statut i izmjene statuta Parlamenta mladih donosi skupština većinom glasova.